

lib.2.de Antidotis. Igitur solæ partes, id est, truncum illud, abscissis capite, cauda, pelle, & interaneis omnibus eligitur, ad pastillos conficiendos & ad cibos; ex optimis & approbatis, ac majoribus Viperis; quæ enim hujusmodi non fuerint, invalidam Theriacam conficerent, & nutrimentum pariter invalidum afferent, propterea sunt repellendæ, præcipuè, si in aqua longo tempore exenteratæ non volentur.

DE DISSECTIONE ANATOMICA in universum.

CAP. XV.



V antiquiores Viperæ Anatomem, sicuti Chamæleontis tradidissent, quod refert Plinius, multos equidem errores evitassent; sed

ob horrorem, aut veneni suspicionem,

nem, eam reliquisse existimandum est; cumque in capite sit venenum, nobis ictu per molestum, ab eo primum exordiri par est. Cerebrum tam pusillum habet, ut vix quatuor granorum milii æquet magnitudinem & quantitatem, & propterea calidum, & siccum animal à quibusdam dicitur, quoniam cordis calorem, quod immodicum est, non attemperat cerebrum; colore subnigrum est. Dentes tam mas quam fœmina quatuor habet, sed fœminis firmiores, stabiliioresque, quippè pro tempore quatuor insunt, duos verò deciduos habet mas, perennes alios. Quare in his enumerandis, & signis enunciandis, an à fœmina, vel à mare ulcuscula inflicta fuerint, decipiuntur omnes, turpiter à Nicandro decepti, qui dicit signa maris & ictus ejus, duo semper foramina adesse, cum quandoque quatuor sint & esse possunt antequam decidant. Ex nostratibus recenter deceptus est Amatus Lusitanus, &

pau-

paulò antè celeberrimus, & splendidiſſimus linguarum notitia, & ſcientiarum ſplendore, Hieronymus Mercurialis qui duo tantùm ſemper eſſe crediderunt. Cor habet grandiuſculum, in pericardio mobile, & quando alexiterio occiditur, concitatus movet, quàm ſi ferro enecaretur, ob repugnantiam alexiteriarum cum corde ad venena. Jecur habet oblongum; vena admodum craſſa medium percurrit, quæ certè à corde oritur, & complantata eſt uſque ad extremam ſerpentis caudam, percurrit ſuper hanc venam apertè. Jecur compoſitum eſt quaſi parenchyma ſit. Penis maſculo duplex; quatuor quoque teſtes. Fæminæ volva duplex, & oriſcium duplex, oblonga, ſatis plena ovorum; intus ova parit. Utrum verò in ambobus uteris eodem tempore ſemen immittatur ab utroque pene, an quandoque uno uni, quandoque altero alteri, ſivè ab alterutro genitali projiciatur; incertum prorſus omnibus eſt hucusque.